

Homeroom Guidance

Siyahan nga Bahin – Modyul 1: Responsable Ako



Homeroom Guidance Self-learning Module – Grade 2

Quarter 1 Module 1: I am Responsible
2020 Edition

The Intellectual Property Code of the Philippines states that “No copyright shall subsist in any work of the Government of the Philippines. However, prior approval of the government agency or office wherein the work is created shall be necessary for exploitation of such work for profit. Such agency or office may, among other things, impose as a condition the payment of royalties.”

Borrowed materials (e.g., texts, illustrations, musical notations, photos, and other copyrightable, patentable contents) included in this learning resource are owned by their respective copyright and intellectual property right holders. Where applicable, DepEd has sought permission from these owners specifically for the development and printing of this learning resource. As such, using these materials in any form other than agreed framework requires another permission and/or licensing.

No part of this material, including its original and borrowed contents, may be reproduced in any form without written permission from the Department of Education.

Recommended Entry for Citation Purposes:

Department of Education. *Homeroom Guidance Grade 2 Self-learning Module 1: I am Responsible*. Manila: Department of Education Central Office, 2020.

Published by the Department of Education
Secretary: Leonor Magtolis Briones
Undersecretary: Diosdado M. San Antonio
Assistant Secretary: Alma Ruby C. Torio

Development Team

Writer: Venus M. Dis-aguen

Grade Level Coordinator : Isabelita I. Ceraon

Editors: Mark Anthony V. Bercando, Jona Kristen Valdez, Melynda Andres

Illustrator: Jocel D. Naniong, Jerichko Bauer L. Laroco

Layout Artist: Camille G. Ferrer

Management Team:

- Bureau of Curriculum Development: Jocelyn DR. Andaya, *Director IV*, Ma. Isabel A. Victorino, *CSDD Chief*, Mark Anthony V. Bercando, *Supervising EPS*, Jona Kristen Valdez, Melynda Andres, *Senior EPS*
- Bureau of Learning Resources

Homeroom Guidance Grade 2

Siyahan nga Bahin –Modyul 1:

Responsable Ako



Giya para ha mga Kag-anak/Tagabantay

Ginhimo ini nga modyul para giyahan an iyo mga anak nga mapauswag an iya pankalugaringon nga pamatasan ngan pakikiangay ha iya igkasi tawo, akademiko ngan mga hingyap. Gindisenyo ini para ha *distance learning* o saliwang pamaagi han pag aradman nga diri na nanginginahanglan hin pisikal nga presensya ha eskwelahan, kumo pagsunod han direktiba ngan paglikay han piligro nga dara han pandemya nga COVID-19.

Dako nga bulig tikang ha mga kag-anak an kinahanglan para magmalinampuson an mga buruhaton nga nakasurat dinhi. Kikinahanglanon han mga bata an iyo pagbantay ngan pag giya ha mga buruhaton nga angay nira mahibaruhan. Ha sugad nga pamaagi nangangaro hin suporta an Departamento agud maglinampuson hiya hit mga pagsuway ha kinabuhi, makab-ot an mga ginlalauman nga trabahuon ngan labaw hit ngatanan mahibaruhan an mga leksyon ha kinabuhi nga kinahanglan nira matagamtaman para hini nga bahin.

Basaha an mga tugon, pakiana (Processing Questions) ngan sulod han kada parti hini nga modyul kaupod an mga bata.

Buruhaton 1. Paghatag hin mga materyales o gamit nga kikinahanglanon para mahimo an buruhaton.

Buruhaton 2: Pakig-urusa ha paghatag han mga katungod ngan responsibilidad kumo usa nga bata.

Buruhaton 3: Pagpapahaluag han mga konsepto o kina adman kun diri gud maintindihan han mga bata.

Buruhaton 4: Paggiya ha pag drowing ngan paghimo basi han nakasurat ha direksiyon.

Buruhaton 5: Pakipag burublig ha paghatag hin mga nahibabaruhan ha mga istudyanti para makab-ot an ginlalauman nga buruhaton.

Burahon 6: Paggiya ha pag drowing ngan paghimo hin simbolo nga nasusubay ha iya panhuna-huna ngan inaabat para magmalinampuson an buruhaton.

Makakabulig ini nga modyul para maintindihan niya an iya mga katungod ngan responsibilidad, ngan magamit ini para mapauswag an iya kalugaringon. Siguraduha nga makakapasa hiya han iya papel nga may baton ha petsa ngan oras nga iginhatag han iya magtuturdo.

Una nga Mensahe

Para ha mga bata:

Ini nga modyul, maggigiya ha imo para mahibaruhan mo an imo mga karuyag, mga nadidirian, talento, ngan interes ha kinabuhi pati na an imo mga katungod kumo usa nga bata.

Ha pagkadto mo ha magkadurulidain nga buruhaton mahisasabutan mo nga samtang nagtitikadako ka, kinahanglan mo mahibaruhan an mga magsayon nga mga trabahuon ha balay ngan sugad man ha eskwelahan. Makakabulig ini ha imo para magin responsible ngan masugot nga bata.

May ada unom (6) nga mga buruhaton in inga modyul nga angay mo sundon. Ini an masunod:

Pruybahan Naton – ini nga bahin makakabulig ha imo para magin andam ka ha imo pag-aradman.

Diskubrihon Naton – Gigiyaan ka kon ano an mga angay mo nga hibaruhan.

Igbutang ha Huna-huna – Dinhi, tatagan ka hin pag-aradman nga kinahanglan mo mahibaruhan ngan maintindihan.

Kaya Mo Ini – Bubuligan ka para maipahamtang an imo nahibaruhan ngadto ha ungod nga sitwasyon ngan reyalidad hit kinabuhi.

An akon Nahibaruhan – Mga buruhaton para makita, masukol, ngan ma proseso kon ano an imo mga nahibaruhan.

Pagsumat han imo Ginhuhuna-hunaan ngan Inaabat– Makakabulig para maipa-angbit o maisumat mo ha iba kon ano it aada ha imo huna-huna, kalugaringon nga ideya, ngan inaabat.

Ginlalauman nga imo ini babasahon, huhuna-hunaon, susundon, ngan tatrabahuon hin may maupay nga kaburut-on an mga buruhaton gin papahimo ha imo.

Malipayon nga pag-aram! Paghirot pirmi!

MODYUL

1

RESPONSABLE AKO



Panuyuanan

Kahuman hini nga modyul, ginlalauman ka nga:

1. Nangangaranan mo an mga katungod ngan responsibilidad han kada bata.
2. Nakikilal-an mo kon hain hain an responsibilidad ngan hain an katungod.
3. Naisusumat mo an imo mga karuyag nga buruhaton ngan interes.
4. Nailaladawan an pisikal ngan sosyal nga pagbabag-o nga nahitatabo ha imo kalugaringon kumo usa nga bata.
5. Naisusumat an resulta han imo gios.

Katubtuban (Duration) : 1 ngan 2 nga Simana han Una nga Graduhan

Ginrerekumendar nga Oras: 120 minutes

Kinahanglan nga gamit:

malimpiyo nga papel

Diyardo o bisan ano nga kapareho nga makikita ha
iyo lugar , krayola, lapis, glue o pilit



Una nga Pamulong

Gindesinyo ini nga modyul para makabulig nga maintindihan mo an imo mga katungod ngan responsibilidad kumo usa nga bata. Pinaagi han mga buruhaton, mahibabaruan mo an imo mga karuyag nga aktibidad ngan interes. Kaapi ini han imo katungod ngan responsibilidad. Pruybahi panginano an mga pagbabag-o ha pisikal ngan sosyal nga parti nga makakabulig ha imo para magin maupay nga tawo.



Pruybahan Naton

Ginrerekumendar nga Oras: 30 minutos

1. Pamiling hin mga gamit nga magrerepresentar o magpapakita han imo mga buruhaton ha balay dida han community quarantine. Pwede tikang ha diyaryo o magazine o bisan ano nga may ada kamo ha iyo balay.
2. Paggunting bisan ma tulo (3) la nga ladawan tikang ha imo dara nga gamit. Ipapilit ini ha malimpiyo nga papel.
3. Kon waray ka garamiton, pwede mo nala ig drowing.
4. Batuna an mga masunod nga pakiana.

Mga Pakiana:

1. Hain nga mga buruhaton ha balay an imo gud naruruyagan ?
2. Hain nga mga buruhaton an pinakamakuri?



Diskubrihon Naton

Ginrerekumendar nga Oras: 30 minutos

Pakig istorya bisan hino nga kaapi ha pamilya parti hin bisan 3 la nga katungod ngan 3 liwat nga responsibilidad han usa nga bata. Igsurat inihamalimpiyo nga papel. Pagkatapos, batuna an mga pakiana ha ubos.

Mga Pakiana:

1. Kahuman mo pakig istorya han usa kaapi han pamilya, naiintindihan mo na ba yana an imo mga katungod ngan responsibilidad?
2. Natatagamtaman mo ba ini nga mga katungod ngan responsibilidad adlaw-adlaw o panalagsa la?
3. Importante ba nga mahibaruhan mo an imo mga katungod ngan responsibilidad? Kay ano?



Tigamni

Ginrerekumendar nga Oras: 30 minutos

Pakig istorya ha mga kaapi han panimalay kabahin han imo mga katungod ngan responsibilidad nga kinahanglan mo mahibaruhan hin maupay.

Testingi pagbuhata an mga buruhaton nga nakalista ha ubos. Huna hunaa kon malipayon ka ba samtang ginbubuhat mo an imo mga katungod.

Samtang ginbubuhat naton an aton mga katungod ngan responsibilidad ha kada adlaw, nakikit-an naton an mga pagbabag-o nga nahitatabo ha aton pisikal nga lawas pinaagi hin pagtanding naton ha aton igkasi tawo. Ini nga pagbabag-o makakabulig para mapauswag naton it aton kalugaringon.

Para maintindihan mo hin maupay, basaha an masunod:

- **Responsibilidad** an mga trabahuon nga iginhatag ngan iginpapahimo nga kinahanglan mo buhaton.
- **Trabahuon ha panimalay** -mga buruhaton ha panimalay(Pwede sugo o alayon)
- **Katungod han bata**- mga butang o buruhaton nga angay matagamtaman hin usa nga batay subay han balaud..
- **Sosyal ngaPagbag-o**- pagbabag-ohanimo abilidad pakig angay ngan pakig urusa ha mga tawo..
- **Pisikal nga pagbag-o**- pagbabag-o nga makikit-an ha pang gawas o pisikal nga lawas.

Mga pananglitan han responsibilidad ngan trabahuon nga pwede ipabuhat ha bata:

- Pagtrapo han lamesa
- Pag- andam han lamesa kon mangaraon
- Pagsaribo han mga tanom
- Paglukot han hinigdaan
- Pagkarigo
- Pagtrabaho han buruhaton ha balay(assignment)
- Pagsilhig han salug

- Pagpilo ngan pagbutang han mga bado ha aparador
- Pagsipilyo han ngipon
- Paglimpiyo ngan pag-ayos han kwarto
- Pagsul-ot han face mask ngan face shield kon magawas ha balay

Mga Katungod han usa nga Bata

- Matawo
- Matagan hin ngaran
- Magka may ada pamilya
- Magka may ada hin talwas nga urukyan
- Makakaon hin magsustansya nga pagkaon
- Makag-uyag
- Maka eskwela
- Maihirayo ha kadelikaduhan
- Magin talwas ngan protektado

Pisikal nga Pagbabag-o

- Pagtubo han buhok ha iba nga parti han lawas
- Pagturok han permanente nga ngipon
- Pagbug-at han timbang
- Pagdagko han mga kusog
- Pagtubo/Paghitaas

Sosyal nga Pagbabag-o

- Nahihibaruan kon ano it tama ngan diri asya.
- Nalilipay kon kaupod it mga kasangkayan

- Maupay nga nakikig istorya ha mga kaapi han pamilya




Kaya Mo Ini

Ginrerekumendar nga Oras: 10 minutos

Kopyaha in inga buruhaton ha malimpiyo nga papel. Ha sulod han porma, pag drowing hin butang nga magkakagsumat han pinulungan ha ubos. Gamit an krayola, Kolori an bug-os nga porma hin **blue** kon ini **KATUNGOD**; ngan **green** kon **RESPONSIBILIDAD**. Kahuman batuna hin dako nga tingog an mga pakiana.


Pananglitan




Nagbasa ako hin libro.




Nagsilhig ako han salug.



Kumaon ako hin prutas.




Nagsipilyo ako han akon ngipon.



Nahuyo ako ha balay.

Mga Pakiana:

1. Masayon la ba para ha imo nga makilal-an an pagkaka-iba han **katungod** ngan **responsibilidad**?
2. Kay ano nga importante man nga mahibaruan naton an pagkaka-iba han **responsibilidad** ngan **katungod** han bata??



An Akon Nahibaruan

Ginrerekumendar nga Oras: 10 minutos

Igsumat ngadto han kausa mo ha panimalay an leksiyon nga imo nahibaruan tikang hini nga modyul. Tigamni an iya reaksiyon. Pagkahuman, kopyaha ngan batuna ha malimpiyo nga papel an mga pinulungan ha ubos.

Nahibaruan ko nga _____. Iginsumat ko ini ngadto han akon _____. Nasiring hiya nga ako _____.



Pagsumat han imo Gin huhunahuna-an Ngan Inaabat

Ginrerekumendar nga Oras: 10 minutos

Ha malimpiyo nga papel, pag drowing hin butang nga nagpapakita hin maupay nga parti han pagtagamtam han imo mga katungod ngan kaupod hini an kaangayan nga responsibilidad. Kopyaha ngan kompletuha an mga pinulungan ha ubos..

Ig drowing an imo napili nga butang dinhi

“An butang nga akon napili nagsusumat nga ginkakarawat ko an akon responsibilidad kumo usa nga_____.”

=====

For inquiries or feedback, please write or call:

Department of Education - Bureau of Learning Resources (DepEd-BLR)

Ground Floor, Bonifacio Bldg., DepEd Complex
Meralco Avenue, Pasig City, Philippines 1600

Telefax: (632) 8634-1072; 8634-1054; 8631-4985

Email Address: blr.lrqad@deped.gov.ph * blr.lrpd@deped.gov.ph